



SLUŽBENE NOVINE ZENIČKO - DOBOJSKOG KANTONA

Godina X - Broj 2

ZENICA, Petak 18. 03. 2005.

29

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona, na XXVI sjednici, održanoj 27.01.2005.godine, d o n o s i

ZAKON

o izmjenama i dopunama Zakona o pravobranilaštvu

Član 1.

U članu 6. stav 1. Zakona o pravobranilaštvu («Službene novine Zeničko-dobojskog kantona», broj: 6/98), (u daljem tekstu: Zakona), iza riječi «bosanski» dodaje se riječ «jezik», riječ «i» zamjenjuje se zarezom, a iza riječi «hrvatski jezik» dodaju se riječi «i srpski jezik».

Stav 2. briše se, a stav 3. postaje stav 2.

U stavu 3. iza riječi «latinica» dodaju se riječi «i ćirilica»

Član 2.

U članu 20. stav 4, članu 24, članu 30. stav 1, članu 35. stav 3, članu 36. stav 2, članu 38, članu 40. i članu 57. riječi «ministra pravde» zamjenjuju se riječima «ministra za pravosuđe i upravu».

Član 3.

U članu 22. riječi «predsjednik Vlade» zamjenjuju se riječima «Premijer Kantona», tačka se zamjenjuje zarezom i dodaje tekst koji glasi «a u skladu sa Zakonom o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj: 12/03)».

Član 4.

U članu 26. stav 1. riječi «predsjednikom Vlade» zamjenjuju se riječima «Premijerom Kantona».

Član 5.

U članu 31. stav 2. i u članu 54. stav 1. riječi «predsjedniku Vlade» zamjenjuju se riječju «Premijer» u odgovarajućem padežu.

Član 6.

U članu 32. stav 2., 3. i 4. zamjenjuju se novim stavom

2. koji glasi:

«Kantonalni pravobranilac, koji ne bude ponovo imenovan, ima pravo na plaću u visini njegove posljednje plaće i na druge naknade, uključujući zdravstveno i penziono osiguranje u razdoblju od šest mjeseci nakon prestanka mandata.»

Član 7.

Član 33. briše se.

Član 8.

U članu 34. riječi: «udaljenju od vršenja službe» zamjenjuju se riječju «smjeni», a riječi «predsjednik Vlade» zamjenjuju se riječima «Premijer».

Član 9.

U članu 42. stav 3. iza riječi «vijeća» dodaje se tekst koji glasi: «a u skladu sa Zakonom o ministarskim, vladinim i drugim imenovanjima Federacije Bosne i Hercegovine («Službene novine Federacije Bosne i Hercegovine», broj: 12/03)».

Član 10.

U članu 46. stav 2, 3. i 4. zamjenjuju se novim stavom 2. koji glasi:

«Općinski pravobranilac, koji ne bude ponovo imenovan, ima pravo na plaću u visini njegove posljednje plaće i na druge naknade, uključujući zdravstveno i penziono osiguranje u razdoblju od šest mjeseci nakon prestanka mandata.»

Član 11.

U članu 47. riječi «udaljenju od vršenja službe» zamjenjuju se riječju «smjeni».

Član 12.

Zakon stupa na snagu osmog dana od dana objavljivanja u «Službenim novinama Zeničko-dobojskog kantona».

Broj: 01-02-1990/05
28.01.2005.godine
Zenica

PREDSDAJAJUĆI
Besim Spahić, s.r.

30

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona, na XXVI sjednici, održanoj 27.01.2005. godine, donosi

ZAKON o izmjenama i dopunama Zakona o lokalnoj samoupravi

Član 1.

U članu 9. iza stava 2. Zakona o lokalnoj samoupravi («Službene novine Zeničko-dobojskog kantona», broj: 13/98 i 8/00) dodaje se novi stav 3. koji glasi:

«Općina može pokrenuti postupak pred Ustavnim sudom za zaštitu prava na lokalnu samoupravu.»

Član 2.

Član 21. se briše.

Član 3.

U članu 22. stav 1. u tački 4. riječ «načelnika» briše se, a iza tačke 13. dodaje se nova tačka 14. koja glasi:

«14. Podnosi zahtjev Ustavnom sudu radi rješavanja sporova između općine i kantona ili Federacije;» a dosadašnja tačka 14. postaje tačka 15.

Član 4.

U članu 23. stav 2. u tački 5. iza riječi «suda» dodaju se riječi «za prekršaje».

Iza tačke 8. dodaje se nova tačka 9. koja glasi:

«9. podnosi zahtjev Ustavnom sudu radi rješavanja sporova između općine i kantona ili Federacije;» a dosadašnja tačka 9. postaje tačka 10.

Član 5.

Član 26. mijenja se i glasi:

«Na sva pitanja u vezi izbora, opoziva i zamjene općinskog načelnika u slučaju privremene spriječenosti obavljanja poslova općinskog načelnika, koja nisu izričito određena ovim zakonom, primjenjuju se odredbe Zakona o neposrednom izboru općinskog načelnika u Federaciji Bosne i Hercegovine («Službene novine Federacije BiH», broj 20/04) i odredbe Izbornog zakona Bosne i Hercegovine («Službeni glasnik BiH», broj 23/01, 7/02, 9/02, 20/02, 35/02, 4/04 i 20/04)».

Član 6.

U članu 51. stav 1. riječi «predsjednika Kantona i predsjednika Vlade Kantona» zamjenjuju se riječima «premijer Kantona».

U stavu 2. i 3. riječ «predsjednik» zamjenjuje se riječju «premijer».

Član 7.

Ovaj Zakon stupa na snagu osmog dana od dana objavljivanja u «Službenim novinama Zeničko-dobojskog

kantona».

Broj: 01-02-1991/05

28.01.2005.godine

Zenica

PREDSJEDAVAJUĆI
Besim Spahić, s.r.

31

Na osnovu člana 37. tačka f. Ustava Zeničko-dobojskog kantona, Skupština Zeničko-dobojskog kantona na XXVI sjednici održanoj dana 27.01.2005. godine donosi

ZAKON O SAMOSTALNIM UMJETNICIMA

I. OSNOVNE ODREDBE

Član 1.

Ovim zakonom uređuje se sticanje statusa samostalnih umjetnika i pojedina prava samostalnih umjetnika na području Zeničko-dobojskog kantona (u daljem tekstu Kanton).

Član 2.

Samostalni umjetnici u smislu ovog zakona su umjetnici koji ispunjavaju sljedeće uslove:

1. da nisu u radnom odnosu;
2. da im je umjetničko stvaralaštvo i djelovanje jedino zanimanje;
3. da im je svojstvo samostalnog umjetnika priznato na način i po postupku utvrđenom ovim zakonom;
4. da su državljani Bosne i Hercegovine i da imaju prebivalište na području Kantona.

Član 3.

Prema područjima umjetničkog stvaralaštva i djelovanja umjetnici se, zbog ostvarivanja zajedničkih interesa, mogu udruživati u umjetnička strukovna udruženja u skladu sa ovim zakonom.

Područja umjetničkog stvaralaštva su: književno, književno-prevodilačko, pozorišno, filmsko, muzičko-scensko, baletno, plesno, likovno i primjenjeno likovno (slikarsko, kiparsko, arhitektonsko) umjetničko oblikovanje, umjetnička fotografija, multimedijalno stvaralaštvo i slično.

II. STICANJE STATUSA I PRAVA SAMOSTALNIH UMJETNIKA

Član 4.

Kantonalni ministar obrazovanja, nauke, kulture i sporta (u daljem tekstu: Ministar) imenuje Stručno vijeće kao konsultativno tijelo radi rješavanja pitanja vezanih za status i prava samostalnih umjetnika, a na prijedlog umjetničkih udruženja sa sjedištem na području Kantona koja okupljaju samostalne umjetnike prema području stvaralaštva iz člana 3. ovog zakona.

Sastav Stručnog vijeća čini jedan predstavnik kantonalnog Ministarstva za obrazovanje, nauku, kulturu i sport (u daljem tekstu: Ministarstvo) i četiri istaknuta umjetnika iz različitih oblasti stvaralaštva.

Sredstva za rad Stručnog vijeća obezbjeđuju se u Budžetu Kantona.

Sastav i način rada Stručnog vijeća bliže se uređuje poslovníkom.

Član 5.

Mandat članova Stručnog vijeća traje četiri godine.

Članove Stručnog vijeća može razriješiti Ministar i prije isteka mandata u slijedećim slučajevima:

- na vlastiti zahtjev;
- zbog odsustvovanja u trajanju dužem od tri mjeseca, bez obzira na razloge;
- zbog neurednog i neblagovremenog izvršavanja poslova iz nadležnosti Stručnog vijeća.

Član 6.

Za sticanje statusa samostalnog umjetnika zahtjev se podnosi Ministarstvu:

Podnosilac je obavezan da uz zahtjev priloži slijedeću dokumentaciju:

1. biografiju potvrđenu od strane matičnog udruženja;
2. mišljenje strukovnog udruženja na osnovu osvojenih priznanja i dodjeljenih nagrada za umjetničko stvaralaštvo;
3. potvrdu J.U. "Službe za zapošljavanje Zeničko-dobojskog kantona" da je nezaposlen.

Ministarstvo rješenjem utvrđuje status samostalnog umjetnika ili odbija zahtjev podnosioca, u skladu sa odredbama Zakona o upravnom postupku.

Protiv rješenja iz prethodnog stava, može se uložiti žalba Drugostepenoj komisiji Vlade Zeničko-dobojskog kantona u roku od 15 dana od dana dostave.

Rješenje Komisije iz prethodnog stava je konačno u upravnom postupku i protiv istog se može pokrenuti upravni spor.

Član 7.

Bliže uslove za priznavanje statusa samostalnog umjetnika utvrđuje Ministar Pravilnikom o kriterijima za priznavanje statusa samostalnih umjetnika.

Član 8.

Pod uslovima utvrđenim ovim zakonom samostalni umjetnik može podnijeti zahtjev Ministarstvu za regulisanje plaćanja doprinosa za penzijsko, invalidsko i zdravstveno osiguranje i nezaposlene (u daljem tekstu: doprinosa) iz budžeta Kantona.

Zahtjev iz prethodnog stava obavezno sadrži: Ime i prezime podnosioca, adresu podnosioca, datum podnošenja zahtjeva, određeno područje umjetničkog stvaralaštva iz člana 3. ovog zakona i potpis podnosioca.

Podnosilac je obavezan da uz zahtjev priloži slijedeću dokumentaciju:

1. rješenje o priznatom statusu samostalnog umjetnika;
2. ovjerenu izjavu datu pod moralnom, krivičnom i materijalnom odgovornošću da je imenovani prijavio sve svoje prihode poreskoj upravi, te da nije ostvario veći prihod od prihoda utvrđenog u članu 10. ovog zakona;
3. uvjerenje izdato od Porezne uprave-Kantonalnog ureda u Zenici.

Član 9.

O zahtjevu iz prethodnog člana rješava Ministarstvo, a prema uslovima i na način propisan Pravilnikom iz člana 11. ovog zakona.

Član 10.

Pravo na uplatu doprinosa ima umjetnik koji u prethodnoj kalendarskoj godini ostvari mjesečni prihod koji je manji od prosječne mjesečne neto plaće u Kantonu.

Član 11.

Pravilnik o uslovima i postupku priznavanja prava samostalnih umjetnika na uplatu doprinosa iz budžeta Kantona donosi Ministar.

III. DRUGA PRAVA SAMOSTALNIH UMJETNIKA

Član 12.

Samostalnom umjetniku koji ostvari pravo na penziju u skladu sa Zakonom o penzijskom i invalidskom osiguranju pripada pravo na isplatu otpremnine u visini od tri prosječne neto plaće ostvarene u prethodnom mjesecu u Kantonu.

Isplata sredstava iz prethodnog stava vrši se iz Budžeta Kantona.

IV. PRESTANAK STATUSA I MIROVANJE PRAVA SAMOSTALNIH UMJETNIKA

Član 13.

Status samostalnog umjetnika i prava na uplatu doprinosa prestaju:

- na vlastiti zahtjev samostalnog umjetnika, na određeni rok ili trajno;
- ako samostalni umjetnik zasnjuje radni odnos;
- ako boravi u inostranstvu u trajanju dužem od šest mjeseci u kontinuitetu bez saglasnosti Stručnog vijeća;
- ako se u postupku revizije utvrdi da samostalni umjetnik ne ispunjava uslove i kriterije utvrđene Pravilnikom.

Član 14.

Prava po osnovu statusa samostalnog umjetnika miruju:

- za vrijeme služenja vojnog roka (do povratka);
- ako je samostalni umjetnik izabran za funkcionera i imenovan od strane skupštine, odnosno drugih državnih, entitetskih, kantonalnih, gradskih ili općinskih organa ili tijela (do prestanka mandata);
- ako samostalni umjetnik zasnjuje radni odnos u trajanju od najduže jedne godine, do prestanka radnog odnosa, odnosno isteka jedne godine;
- ako samostalni umjetnik ode na studijsko putovanje ili usavršavanje u inostranstvo u trajanju dužem od 18 mjeseci;
- ako samostalni umjetnik bude pravosnažnom odlukom nadležnog suda upućen da izdržava kaznu zatvora u trajanju dužem od šest mjeseci.

Član 15.

Samostalni umjetnik kojem je pravo na uplatu doprinosa mirovalo, za ponovno uspostavljanje prava na uplatu doprinosa dužan je podnijeti zahtjev Ministarstvu u roku od 15 dana od dana prestanka razloga zbog kojeg je nastupilo mirovanje prava.

Ako samostalni umjetnik ne podnese zahtjev u roku iz prethodnog stava, Ministarstvo donosi rješenje o obustavi dalje uplate doprinosa.

V. MJERE ZA PROVOĐENJE ZAKONA**Član 16.**

Samostalni umjetnik briše se sa liste samostalnih umjetnika kojim se priznaje pravo na uplatu doprinosa iz člana 10. ovog zakona ako nepotpuno i netačno prikaže svoju materijalnu situaciju iz člana 8. stav 3. tačka 2. ovog zakona.

Član 17.

Stručno vijeće svake četiri godine po službenoj dužnosti vrši reviziju priznatih prava samostalnih umjetnika za koje se doprinosi uplaćuju iz budžeta Kantona.

Član 18.

Ministarstvo vodi Registar samostalnih umjetnika. Sadržaj i način vođenja registra iz stava 1. ovog člana utvrđuje se Pravilnikom koji donosi ministar.

VI. PRELAZNE I ZAVRŠNE ODREDBE**Član 19.**

Pravilnike iz članova 7. i 11. ministar je dužan donijeti u roku od 60 dana od dana stupanja na snagu ovog zakona.

Član 20.

Ministarstvo će uspostaviti Registar samostalnih umjetnika u roku od 30 dana od dana donošenja Pravilnika iz člana 18. ovog zakona.

Član 21.

Danom stupanja na snagu ovog zakona, na području Kantona prestaje primjena Zakona o samostalnim umjetnicima ("Službeni list SRBiH", br. 3/78 i 26/82).

Član 22.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-1997/05
28.01.2005. godine
Zenica

PREDSJEDAVALAČI
Besim Spahić, s.r.

32

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona, na XXVI sjednici, održanoj 27.01.2005. godine, d o n o s i

ODLUKU

o izmjenama Odluke o kreditiranju privrednog razvoja i zapošljavanja

Član 1.

U Odluci o kreditiranju privrednog razvoja i zapošljavanja ("Službene novine Zeničko-dobojskog kantona", broj: 10/03) u članu 17. stav 2. mijenja se i glasi:

«Rizik za obezbjeđenje vraćanja kredita snosi banka, odnosno Kanton po zaključenim ugovorima o komisionu».

Član 2.

Ova Odluka stupa na snagu danom donošenja i objavit će se u «Službenim novinama Zeničko-dobojskog kantona».

Broj: 01-14-1989/05
28.01.2005. godine
Zenica

PREDSJEDAVALAČI
Besim Spahić, s.r.

33

Na osnovu člana 16. stav 1. i člana 18. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), a u vezi sa članom 58. stav 1. Zakona o kantonalnoj upravi ("Službene novine Zeničko-dobojskog kantona", broj 9/00.), Vlada Zeničko-dobojskog kantona, na 61. sjednici, održanoj 17.01.2005. godine, d o n o s i

UREDBU

o izmjenama i dopunama Uredbe o Stručnoj službi Vlade Zeničko-dobojskog kantona

Član 1.

U Uredbi o Stručnoj službi Vlade Zeničko-dobojskog kantona ("Službene novine Zeničko-dobojskog kantona", broj 8/96. i 10/02.), član 2. mijenja se i glasi:

"U Stručnoj službi Vlade obavljaju se normativno-pravni, studijsko-analitički, stručno-operativni, informaciono-dokumentacioni, administrativno-tehnički i drugi poslovi za potrebe Vlade Zeničko-dobojskog kantona (u daljem tekstu: Vlada), radnih tijela Vlade, Premijera Zeničko-dobojskog kantona (u daljem tekstu: Premijer) i članova Vlade, koji se odnose na:

- pripremanje i organiziranje sjednica Vlade i radnih tijela Vlade;
- izradu akata koje donosi Vlada i praćenje njihovog izvršenja;
- pripremanje materijala po nalogu Vlade i praćenje nji-

- hovog izvršenja;
- pripremanje programa i planova Vlade, izvještaja i mišljenja, kao i drugih analitičkih, informacionih i dokumentacionih materijala i praćenje njihovog izvršenja;
- osiguranje dokumentacionih materijala i podataka od značaja za rad Vlade, Premijera i članova Vlade;
- uspostavljanje i razvoj informacionog sistema, njegovo održavanje i nesmetano funkcionisanje za potrebe svih kantonalnih ministarstava i drugih kantonalnih organa uprave i službi;
- izradu odgovarajućih baza podataka za potrebe kantonalnih ministarstava i drugih kantonalnih organa uprave i službi;
- prikupljanje i obradu podataka sa ciljem pružanja informacija i osiguranja pristupa javnosti, podacima i informacijama o radu Premijera i Vlade;
- savjetodavne, protokolarne i administrativno-tehničke poslove za potrebe Premijera i
- druge poslove koje odredi Vlada i Premijer."

Član 2.

Iza člana 2. dodaje se novi član 2a., koji glasi:

"Član 2a.

Pored poslova navedenih u članu 1. ove Uredbe, za potrebe Premijera u Stručnoj službi Vlade mogu se obavljati i poslovi savjetodavnog karaktera za određene oblasti, koji zahtijevaju naročito iskustvo, samostalnost i kreativnost u radu.

Poslove iz stava 1. ovog člana obavlja savjetnik, kojeg imenuje Premijer.

Prava i obaveze savjetnika po osnovu radnog odnosa regulišu se u skladu sa odredbama Zakona o državnoj službi u Federaciji Bosne i Hercegovine ("Službene novine Federacije Bosne i Hercegovine", broj 29/03. i 54/04.) (u daljem tekstu: Zakon)."

Član 3.

Član 5. mijenja se i glasi:

"Radom Stručne službe Vlade rukovodi Sekretar Vlade (u daljem tekstu: Sekretar), kojeg imenuje Vlada na osnovu javnog konkursa u skladu sa Zakonom.

Sekretar ima status rukovodioca samostalne uprave i samostalne ustanove, a u pogledu rukovođenja ima prava i obaveze rukovodioca organa državne službe.

Sekretar za svoj rad i rad Stručne službe Vlade odgovara Vladi."

Član 4.

Iza člana 5. dodaje se novi član 5a. koji glasi:

"Član 5a.

Sekretar može imati jednog ili više pomoćnika.

Pomoćnik sekretara rukovodi određenim područjima rada i vrši stručne i druge poslove što se utvrđuje Pravilnikom o unutrašnjoj organizaciji Stručne službe.

Pomoćnik sekretara pomaže Sekretaru u izvršavanju poslova iz njegove nadležnosti i zamjenjuje ga u slučaju njegove odsutnosti.

U drugim slučajevima sprječivosti Sekretara da duže obavlja poslove iz njegove nadležnosti, kao i u slučaju

upražnjenog radnog mjesta Sekretara, do popunjavanja putem javnog konkursa, zamjenjuje ga pomoćnik, kojeg odredi Vlada."

Član 5.

Stupanjem na snagu ove Uredbe prestaje da važi Uredba o obrazovanju Kabineta Premijera Zeničko-dobojskog kantona ("Službene novine Zeničko-dobojskog kantona", broj: 15/03. i 1/04.).

Poslovi iz Uredbe o obrazovanju Kabineta Premijera Zeničko-dobojskog kantona utvrdit će se Pravilnikom o unutrašnjoj organizaciji Stručne službe Vlade.

Član 6.

Pravilnik o unutrašnjoj organizaciji Stručne službe uskladit će se sa odredbama ove Uredbe u roku od 15 dana od dana stupanja na snagu iste.

Član 7.

Uredba stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:02-34-1475/05
17.01.2005. godine
Zenica

PREMIJER
Nedžad Polić, s.r.

34

Na osnovu člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), Vlada Zeničko-dobojskog kantona, na prijedlog Sekretarijata za zakonodavstvo, na 62. sjednici, održanoj 31.01.2005. godine, donosi

UREDBU

o izmjenama i dopunama Uredbe o Sekretarijatu za zakonodavstvo Vlade Zeničko-dobojskog kantona

Član 1.

U članu 6. Uredbe o Sekretarijatu za zakonodavstvo Vlade Zeničko-dobojskog kantona ("Službene novine Federacije Bosne i Hercegovine", broj 8/96.), (u daljem tekstu: Uredba), stav 2. mijenja se i glasi:

"Sekretara postavlja i razrješava Vlada, na prijedlog Premijera Kantona, a u skladu sa Zakonom o državnoj službi u Federaciji Bosne i Hercegovine ("Službene novine Federacije Bosne i Hercegovine", broj 29/03, 23/04. i 39/04.)."

Stav 3. istog člana mijenja se i glasi:

"Sekretar Sekretarijata za zakonodavstvo ima status rukovoditelja samostalne kantonalne uprave, odnosno samostalne ustanove, a za svoj rad i upravljanje odgovoran je Vladi."

Član 2.

Član 7. Uredbe se briše, a dosadašnji članovi "8" i "9"

postaju članovi "7" i "8".

Član 3.

Ova uredba stupa na snagu narednog dana od dana objavljivanja u "Službenim novinama Zeničko-dobojskog kantona".

Broj:02-34-2538/05
31.01.2005. godine
Zenica

PREMIJER
Nedžad Polić, s.r.

35

Na osnovu člana 15. i člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00), Vlada Zeničko-dobojskog kantona, na 65 sjednici, održanoj 21.02.2005.godine, donosi

UREDBU O SLUŽBI ZA ZAJEDNICKE POSLOVE

Član 1.

Ovom uredbom obrazuje se Služba za zajedničke poslove (u daljem tekstu: Služba), za vršenje određenih pravnih, administrativno-personalnih, ekonomsko-komercijalnih, općih, tehničkih, pomoćnih poslova, poslova kancelarijskog poslovanja, organizacionih i drugih zajedničkih poslova za potrebe Vlade Zeničko-dobojskog kantona, (u daljem tekstu: Vlada), ministarstava i drugih organa uprave Kantona, kao i drugih organa za koje to odredi Vlada.

Poslove iz stava 1. ovog člana Služba vrši i za potrebe Skupštine Zeničko-dobojskog kantona na njen zahtjev.

Član 2.

Služba može, uz saglasnost Vlade, vršiti poslove iz člana 1. stav 1. ove uredbe i za preduzeća i druga pravna lica.

Vršenje poslova iz stava 1. ovog člana uređuje se ugovorom, ili na drugi način propisano Zakonom.

Član 3.

Poslovi Službe iz člana 1. stav 1. ove uredbe su naročito: pravni, administrativno tehnički, poslovi kancelarijskog poslovanja, ekonomsko-komercijalni poslovi, opći, pomoćni i organizacioni poslovi, tehnički poslovi, i drugi stručni poslovi.

Prema potrebi, Služba vrši i druge poslove koji se, s obzirom na njihovu vrstu, mogu staviti u djelokrug Službe.

Član 4.

Služba ima svojstvo pravnog lica.

Član 5.

Službom rukovodi direktor Službe (u daljem tekstu:

direktor).

Direktor ima status rukovoditelja samostalne kantonalne uprave, odnosno samostalne kantonalne upravne ustanove.

Direktor može imati jednog ili više pomoćnika (u daljem tekstu: pomoćnik).

Član 6.

Direktora postavlja Vlada, po prethodno raspisanom javnom konkursu.

Direktor za svoj rad odgovara Vladi.

U slučaju spriječenosti ili odsutnosti, direktora zamjenjuje pomoćnik koga ovlasti direktor.

Član 7.

Poslovi Službe se organizuju u okviru odjeljenja.

Odjeljenjem rukovodi pomoćnik direktora (u daljem tekstu: pomoćnik).

Pomoćnik ima status pomoćnika direktora samostalne kantonalne uprave, odnosno samostalne kantonalne upravne ustanove.

Postavljenje pomoćnika vrši se na način utvrđen Zakonom o državnoj službi.

Pomoćnici za svoj rad odgovaraju direktoru.

Član 8.

Nadzor nad radom Službe vrši Vlada.

Član 9.

Sredstva za rad Službe osiguravaju se u budžetu.

Raspoređivanje i korišćenje sredstava za rad Službe vrši se po propisima koji važe za ministarstva i druge organe kantonalne uprave.

Aktom Vlade, prihodi koje ostvari Služba u okviru svoje djelatnosti mogu se usmjeravati za određene namjene Službe.

Član 10.

Organizacija i sistematizacija poslova i zadataka Službe utvrđuje se Pravilnikom o unutrašnjoj organizaciji kojeg donosi direktor uz prethodnu saglasnost Vlade.

Član 11.

Pravilnik o unutrašnjoj organizaciji donijet će se u roku od 15 dana od dana stupanja na snagu ove uredbe.

Član 12.

Uredba stupa na snagu narednog dana od dana objavljivanja u "Službenim novinama Zeničko-dobojskog kantona".

Član 13.

Stupanjem na snagu ove uredbe prestaje da važi Uredba o Službi za logistiku broj:02-34-9924/02 od 08.05.2002.god ("Službene novine Zeničko -dobojskog kantona ", broj 10/02).

Broj: 02-34-5277/05
21.02.2005.godine
Zenica

PREMIJER
Nedžad Polić, s.r.

36

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 61. sjednici, održanoj 17.01.2005. godine, d o n o s i

ODLUKU

o odobranju sredstava za dodjelu stipendija za redovne studente sa područja Zeničko-dobojskog kantona u akademskoj 2004/2005. godini

I.

Odobravaju se sredstva u iznosu od 125.000,00 KM (slovima: stotinudvadesetpet hiljada konvertibilnih maraka), za dodjelu 500 (slovima: petstotina) stipendija redovnim studentima visokoškolskih ustanova u akademskoj 2004/2005. godini, sa područja Zeničko-dobojskog kantona.

II.

Odobrena sredstva iz tačke I. ove odluke isplatit će se po Odluci o privremenom finansiranju Zeničko-dobojskog kantona za period januar-mart 2005. godine, broj: 01-14-26804/04. od 31.12.2004. godine, II Rashodi, 5.33. ekonomski kod 614200, pozicija "Transfer za stipendiranje studenata", razdjela 22, budžetska organizacija 01, potrošačka jedinica 0001.

III.

Ministarstvo za obrazovanje, nauku, kulturu i sport, uz saglasnost Vlade Zeničko-dobojskog kantona, utvrđuje Kriterije za dodjelu stipendija redovnim studentima, te na osnovu njih raspisuje konkurs za dodjelu stipendija.

IV.

Visina stipendije po jednom korisniku određuje se u dva jednokratna iznosa od po 250,00 KM (slovima: dvjestotinepedeset konvertibilnih maraka), u prvom i drugom kvartalu akademske 2004/2005. godine, a isplata će se izvršiti po završetku konkursne procedure, putem općinskih službi za društvene djelatnosti Zeničko-dobojskog kantona.

V.

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

VI.

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj:02-38-1478/05
17.01.2005. godine
Zenica

PREMIJER
Nedžad Polić, s.r.

37

Na osnovu člana 8. i 11. Zakona o koncesijama ("Službene novine Zeničko-dobojskog kantona", broj 5/03.), člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), Vlada Zeničko-dobojskog kantona, na prijedlog Ministarstva za privredu, na 61. sjednici, održanoj 17.01.2005. godine, d o n o s i

ODLUKU**I.**

Privrednom društvu "BREZA DOM" d.o.o. Sarajevo dodjeljuje se koncesija za eksploataciju mineralnog resursa - krečnjaka na ležištu Krivodol, Morava □upča u općini Breza.

II.

Eksploatacioni prostor ležišta je ograničen graničnim linijama i koordinatama prijelomnih tačaka kako slijedi:

Tačka	Y	X
A	6 524 258	4 872 216
B	6 524 507	4 872 145
C	6 524 607	4 872 347
D	6 524 347	4 872 397
A	6 524 258	4 872 216

Ukupna površina eksploatacionog prostora je cca 5,35 ha sa mogućnošću proširenja shodno važećim zakonima i propisima.

III.

Vrijeme koncesije za eksploataciju je 25 godina od dana izdavanja dozvole za eksploataciju.

IV.

Privredno društvo "BREZA DOM" d.o.o. je od dana izdavanja dozvole za eksploataciju za sve količine gotovih proizvoda plasiranih na tržište i/ili upotrijebljenih za vlastite potrebe dužno plaćati 50 feniga/m³.r.m. (slovima: pedesetfeniga po metru kubnom rasute mase).

Minimalna količina gotovih proizvoda na koju je koncesionar dužan platiti koncesionu naknadu je 45 000 m³.r.m. godišnje.

V.

Eksploatacione i sve druge prateće poslove koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa kao i drugih važećih zakona i propisa.

VI.

Koncesiona naknada iz tačke IV. ove Odluke predstavlja prihod Zeničko-dobojskog kantona i općine Breza u omjeru koji je određen odlukom Vlade Zeničko-dobojskog kantona.

VII.

Zadužuje se Ministarstvo za privredu da shodno ovoj Odluci i odredbama Zakona o koncesijama ("Službene

novine Zeničko-dobojskog kantona", broj 5/03.) potpiše ugovor o koncesiji sa "BREZA DOM" d.o.o. Sarajevo.

VIII.

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj:02-18-1477/05
17.01.2005. godine
Zenica

PREMIJER
Nedžad Polić, s.r.

38

Na osnovu člana 4. i 8. Zakona o koncesijama ("Službene novine Zeničko-dobojskog kantona", broj 5/03.) i člana 16. stava 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), Vlada Zeničko-dobojskog kantona, na prijedlog Ministarstva za privredu, na 62. sjednici, održanoj 31.01.2005. godine, donosi

ODLUKU

I.

Daje se saglasnost o pristupanju dodjele koncesije za eksploataciju krečnjaka na ležištu "Bukovik", u općini Žepče.

II.

Osnovni elementi za dodjelu koncesija su:

- Eksploatacioni prostor površine cca 7,20 ha je ograničen prijelomnim tačkama vrijednosti grafičkih koordinata kako slijedi:

Tačka	Y	X
A	6503490	4918595
B	6503632	4918650
C	6503691	4918607
D	6503748	4918607
E	6503772	4918674
F	6503660	4918825
G	6503563	4918880
H	6503433	4918880
I	6503418	4918656
A	6503490	4918595

- Vrijeme koncesije za eksploataciju je 25 godina od dana izdavanja dozvole za eksploataciju.

Osnovni kriteriji za izbor najpovoljnije ponude su:

- Minimalan iznos koncesione naknade po jedinici gotovog proizvoda koju koncesionar treba ponuditi je 40 feninga/r.m. krečnjaka;
- Minimalne količine gotovih krečnjačkih proizvoda na koje je koncesionar obavezan plaćati naknadu su 40.000 m³. r.m. godišnje.
- Ostale uslove i kriterije, te procentualno učešće pojedinih kriterija vrednovanja za izbor najpovoljnije ponude utvrdit će komisija u fazi izrade javnog poziva.

III.

Zadužuje se Ministarstvo za privredu da putem

Komisije za koncesije sprovede zakonom propisani postupak javnog poziva i prikupi ponude, izvrši odabir i predloži Vladi Zeničko-dobojskog kantona najpovoljnijeg ponuđača.

IV.

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj:02-18-2528/05
31.01.2005. godine
Zenica

PREMIJER
Nedžad Polić, s.r.

39

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), a u vezi sa članom 31. Zakona o proračunima-budžetima u Federaciji Bosne i Hercegovine ("Službene novine Federacije Bosne i Hercegovine", broj 20/98.), Vlada Zeničko-dobojskog kantona, na prijedlog Ministarstva finansija, na 63. sjednici, održanoj 09.02.2005. godine, donosi

ODLUKU

o osnovici za isplatu plaća i naknada za topli obrok za period I-III. 2005. godine

Član 1.

Osnovica za obračun i isplatu plaća za period I-III.2005. godine, za kantonalne organe uprave i druge budžetske korisnike, iznosi 85,00 KM, osim ukoliko nije posebnim zakonom ili drugim propisom drugačije određeno.

Visina osnovice iz stava 1. ovog člana, ne odnosi se na sudije i tužioce, čija je polazna osnovica za obračun plaća utvrđena u skladu sa Zakonom o sudijskoj i tužilačkoj funkciji u Federaciji Bosne i Hercegovine.

Član 2.

Novčana naknada za topli obrok u 2005. godini, rukovoditeljima organa uprave, službenicima i namještenicima u kantonalnim organima uprave i svim budžetskim korisnicima isplaćivat će se u iznosu od 5,00 KM po radnom danu.

Službenim licima Jedinice za podršku Ministarstva unutrašnjih poslova Zeničko-dobojskog kantona, pored naknade za topli obrok iz stava 1. ovog člana, pripada i dodatna naknada za pojačanu ishranu u iznosu od 5,00 KM po radnom danu.

Naknada za topli obrok iz stava 1. ovog člana ne pripada glavnom tužiocu, zamjenicima glavnog tužioca i tužiocima.

Član 3.

Za realizaciju ove odluke zadužuje se Ministarstvo finansija.

Član 4.

Odluka stupa na snagu danom donošenja i objavit će se

u "Službenim novinama Zeničko-dobojskog kantona".

Broj:02-34-3106/05
09.02.2005. godine
Zenica

PREMIJER
Nedžad Polić, s.r.

40

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.) i Odluke o utvrđivanju usluga posebne namjene, interesa i okolnosti ("Službene novine Federacije Bosne i Hercegovine", broj 72/04.), Vlada Zeničko-dobojskog kantona, na prijedlog Ministarstva finansija, na 62. sjednici, održanoj 31.01.2005. godine, donosi

ODLUKU

o davanju saglasnosti na zaključivanje Ugovora o poslovi
informatičke i funkcionalne podrške sistemu trezora
za 2005. godinu

Član 1.

Daje se saglasnost na zaključivanje Ugovora o poslovima informatičke i funkcionalne podrške sistemu trezora za 2005. godinu sa firmom Oracle BH d.o.o..

Član 2.

Za potpisivanje Ugovora iz člana 1. ove odluke ovlašćuje se Ministar finansija.

Član 3.

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj:02-34-2536/05
31.01.2005. godine
Zenica

PREMIJER
Nedžad Polić, s.r.

41

Na osnovu člana 50. stav 8. Zakona o zdravstvenoj zaštiti ("Službene novine Federacije Bosne i Hercegovine", broj 29/97.), člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 34/03.) i člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), nakon provedenog postupka po Oglasu za upražnjene pozicije u reguliranim tijelima Zeničko-dobojskog kantona, Vlada Zeničko-dobojskog kantona, na prijedlog Ministra zdravstva, na 62. sjednici, održanoj 31.01.2005. godine, donosi

RJEŠENJE

o konačnom imenovanju predsjednika i članova
Upravnog Odbora Kantonalnog zavoda zdravstvenog
osiguranja Zenica

I.

Za predsjednika i članove Upravnog odbora Kantonalnog zavoda zdravstvenog osiguranja Zenica, na mandatni period od četiri godine, imenuju se:

1. Ismić Mejrema, predsjednik,
2. Mirjana Dimitrijević, član,
3. Nihad Pašalić, član,
4. Kanita Mutapčić, član,
5. Adem Hadžić, član,
6. Enver Bektaš, član,
7. Indira Mundžić, član,
8. Sead Hafizović, član,
9. Bekir Karčić, član.

II.

Rješenje stupa na snagu danom donošenja i objavit će se u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj:02-34-2530/05
31.01.2005. godine
Zenica

PREMIJER
Nedžad Polić, s.r.

42

Na osnovu člana 50. stav 8. Zakona o zdravstvenoj zaštiti ("Službene novine Federacije Bosne i Hercegovine", broj 29/97.), člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 34/03.) i člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), nakon provedenog postupka po Oglasu za upražnjene pozicije u reguliranim tijelima Zeničko-dobojskog kantona, Vlada Zeničko-dobojskog kantona, na prijedlog Ministra zdravstva, na 62. sjednici, održanoj 31.01.2005. godine, donosi

RJEŠENJE

o konačnom imenovanju predsjednika i članova
Upravnog Odbora Kantonalne bolnice Zenica

I.

Za predsjednika i članove Upravnog odbora Kantonalne bolnice Zenica, na mandatni period od četiri godine, imenuju se:

1. Ivica Dujmović, predsjednik,
2. Muharem Pidro, član,
3. Suada Koljenović, član,
4. Miralem Musić, član,
5. Mersija Kasumović, član.

II.

Rješenje stupa na snagu danom donošenja i objavit će se u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj:02-34-2533
31.01.2005.godine
Zenica

PREMIJER
Nedžad Polić, s.r.

43

Na osnovu člana 50. stav 8. Zakona o zdravstvenoj zaštiti ("Službene novine Federacije Bosne i Hercegovine", broj 29/97.), člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj 34/03.) i člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), nakon provedenog postupka po Oglasu za upražnjene pozicije u reguliranim tijelima Zeničko-dobojskog kantona, Vlada Zeničko-dobojskog kantona, na prijedlog Ministra zdravstva, na 62. sjednici, održanoj 31.01.2005. godine,
d o n o s i

R J E Š E N J E

o konačnom imenovanju predsjednika i članova Upravnog Odbora Kantonalnog zavoda za medicinu rada Zenica

I.

Za predsjednika i članove Upravnog odbora Kantonalnog zavoda za medicinu rada Zenica, na mandatni period od četiri godine, imenuju se:

1. Senad Huseinagić, predsjednik,
2. Raif Kavaz, član,
3. Belma Pojskić, član,
4. Fahrudin Filipović, član,
5. Karmela Pojavnik, član.

II.

Rješenje stupa na snagu danom donošenja i objavit će se u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj:02-34-2532/05
31.01.2005.godine
Zenica

PREMIJER
Nedžad Polić, s.r.

44

Na osnovu člana 50. stav 8. Zakona o zdravstvenoj zaštiti ("Službene novine Federacije Bosne i Hercegovine", broj 29/97.), člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i

Hercegovine", broj 34/03.) i člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), nakon provedenog postupka po Oglasu za upražnjene pozicije u reguliranim tijelima Zeničko-dobojskog kantona, Vlada Zeničko-dobojskog kantona, na prijedlog Ministra zdravstva, na 62. sjednici, održanoj 31.01.2005. godine,
d o n o s i

R J E Š E N J E

o konačnom imenovanju predsjednika i članova Upravnog Odbora Kantonalnog zavoda za javno zdravstvo Zenica

I.

Za predsjednika i članove Upravnog odbora Kantonalnog zavoda za javno zdravstvo Zenica, na mandatni period od četiri godine, imenuju se:

1. Željka Sekulić - Marković, predsjednik,
2. Smajil Durmišević, član,
3. Fevzija Drnda, član,
4. Aida Pojskić, član,
5. Smaragda Imamović, član.

II.

Rješenje stupa na snagu danom donošenja i objavit će se u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj:02-34-2531/05
31.01.2005.godine
Zenica

PREMIJER
Nedžad Polić, s.r.

45

Na osnovu člana 4. i 16. Uredbe o stručnom ispitu službenika i pripravnika organa uprave i službi za upravu ("Službene novine Zeničko-dobojskog kantona" broj: 9/98), ministrica Ministarstva za pravosuđe i upravu Zeničko-dobojskog kantona, d o n o s i

RJEŠENJE

o razrješenju predsjednika Komisije za polaganje stručnog ispita službenika i pripravnika organa uprave i službi za upravu u Zeničko-dobojskom kantonu

I

Vesna Popov, uposlenik Agencije za državnu službu u Federaciji Bosne i Hercegovine, razrješava se dužnosti funkcije predsjednika Komisije za polaganje stručnog ispita službenika i pripravnika organa uprave i službi za upravu u Zeničko-dobojskom kantonu, na lični zahtjev.

II

Ovo rješenje stupa na snagu danom donošenja, a objavit će se u «Službenim novinama Zeničko-dobojskog kantona».

Broj: 06-34-4021/05
15.02.2005. godine
Zenica

MINISTRICA
Željka Klobučar, s.r.

Broj: 06-34-5202/05
25.02.2005. godine
Zenica

MINISTRICA
Željka Klobučar, s.r.

47

Na osnovu člana 36. i člana 61. Zakona o predškolu ("Službene novine Zeničko-dobojskog kantona" broj: 5/97), ministar za obrazovanje, nauku, kulturu i sport Zeničko-dobojskog kantona d o n o s i

46

Na osnovu člana 8. uredbе o stalnim sudskim tumačima ("Službene novine Zeničko-dobojskog kantona" broj: 12/98 i 5/03), ministrica Ministarstva za pravosuđe i upravu, d o n o s i

RJEŠENJE

o imenovanju posebnog povjerenstva za polaganje ispita za stalne sudske tumače za grupu Turski jezik

I

Imenuje se posebno povjerenstvo za polaganje ispita za stalne sudske tumače za grupu Turski jezik.

Povjerenstvo se imenuje iz reda kandidata koji su određeni Rješenjem o imenovanju kandidata za članove Povjerenstva za polaganje ispita za stalne sudske tumače, broj:06-34-3533-3/03 od 25.02.2003. godine i 06-34-3533-4/03 od 24.03.2003. godine ("Službene novine Zeničko-dobojskog kantona", broj 4/03).

Povjerenstvo ima tajnika koji obavlja stručne i administrativne poslove za potrebe Povjerenstva.

II

U Povjerenstvo se imenuju:

1. dipl.pravnik Vesna Ajanović, predsjednik
2. prof.dr. Fehim Nametak, član
3. prof.dr. Kerima Filan, član
4. dipl.pravnik Ružica Jukić-Ezgeta, tajnik.

III

Predsjedniku, članovima Povjerenstva i tajniku pripada naknada za rad u Povjerenstvu čiju visinu određuje Ministar za pravosuđe i upravu rješenjem.

IV

Rad povjerenstva obavlja se u sjedištu Kantona.

V

Mandat predsjedniku, članovima i tajniku Povjerenstva je četiri godine.

VI

Ovo rješenje stupa na snagu danom donošenja a objavit će se u «Službenim novinama Zeničko-dobojskog kantona».

PRAVILNIK

o sadržaju i načinu vođenja evidencije i dokumentacije u predškolskoj odgojno-obrazovnoj ustanovi

Član 1.

Ovim pravilnikom propisuje se sadržaj i način vođenja evidencije i dokumentacije u odgojno-obrazovnim ustanovama za predškolski odgoj i obrazovanje (u daljem tekstu: predškolska ustanova).

Član 2.

U predškolskoj ustanovi vodi se sljedeća dokumentacija:

1. dnevnik rada za djecu predškolskog uzrasta;
2. ljetopis predškolske ustanove;
3. zapisnici sjednica stručnog vijeća;
4. zapisnici sjednica stručnih aktiva.

U predškolskoj ustanovi vodi se i evidencija o:

1. broju prijavljene i primljene djece za upis u predškolsku ustanovu, (spisak djece);
2. evidentni list o brojnom stanju djece po uzrastu i formiranju odgojnih grupa na odgajatelje,
3. evidentni list o formiranju grupa po uzrastu i po obdaništima.

Član 3.

Dnevnik rada sa djecom predškolskog uzrasta sadrži podatke o:

- opće podatke o predškolskoj ustanovi,
- uputstvo o vođenje dnevnika rada za djecu predškolskog uzrasta,
- djeci i njihovim roditeljima, odnosno starateljima,
- dolasku i izostancima djece,
- kalendaru rada,
- godišnjem planu i programu odgojno obrazovnog rada,
- odgojno-obrazovnim oblastima,
- planiranju na osnovu interesa djece.

Podatke u dnevnik rada za djecu predškolskog uzrasta unosi odgajatelj koji radi sa odgojnom grupom i odgovoran je za njihovu tačnost.

Član 4.

Predškolska ustanova dužna je da čuva dnevnik rada za djecu predškolskog uzrasta najmanje tri godine, a podaci iz dnevnika o djeci i njihovim roditeljima, odnosno starateljima su trajne vrijednosti.

Član 5.

Veličina dnevnika rada za djecu predškolskog uzrasta 25 x 35 cm i vodi se na obrascu broj 1.

Član 6.

U ljetopis predškolske ustanove unose se hronološki redom svi važniji događaji i podaci iz njenog života i rada.

Ljetopis vodi lice koje odredi stručno vijeće ili direktor predškolske ustanove.

Ljetopis predškolske ustanove vodi se u tvrdo povezanoj svesci.

Član 7.

Zapisnici sjednica stručnog vijeća vode se u tvrdo povezanoj svesci.

Zapisnik obavezno sadrži: datum održavanja sjednice, imena i prezimena odsutnih odgajatelja, dnevni red, kratki sadržaj diskusija i zaključke stručnog vijeća o svakoj tački dnevnog reda, potpis zapisničara i direktora odnosno pedagoga - psihologa ustanove.

Član 8.

Ljetopis i zapisnici sjednica stručnog vijeća su trajne vrijednosti.

Član 9.

Spisak djece prijavljenih za upis u predškolsku ustanovu sadrži ime i prezime djeteta prijavljenog za upis, datum i mjesto rođenja, ime i prezime roditelja, odnosno staratelja i njihovo zanimanje, ukupan broj prijavljene djece i broj primljene djece.

Spisak potpisuju službeno lice i direktor predškolske ustanove.

Spisak ima oblik arka sa potrebnim brojem uložaka i vodi se na obrascu broj 2.

Član 10.

Evidentni list o brojnom stanju djece po uzrastu i podjeli odgojnih grupa na odgajateljce sadrži podatke o odgojnim grupama, djeci i odgajateljima.

Evidentni list u obdaništima vodi se na obrascu broj 3.

Podaci u evidentni list unose se sa stanjem dva puta godišnje: 30. septembra i 31. januara tekuće godine.

Popunjeni evidentni list dostavlja se općinskom organu uprave nadležnom za poslove predškolskog odgoja i obrazovanja, Pedagoškom zavodu i Ministarstvu za obrazovanje, nauku, kulturu i sport Zeničko-dobojskog kantona.

Član 11.

Obrasci od 1 do 3 sastavni su dio ovog pravilnika.

Član 12.

Ovaj pravilnik stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 10-01-38-1827/05.
27.01.2005.godine
Zenica

MINISTAR
Sreto Tomašević, s.r.

48

Na osnovu člana 14. Zakona o kantonalnim ministarstvima i drugim tijelima uprave, ("Službene novine Zeničko-dobojskog kantona" broj: 15/04), a u vezi sa Pravilnikom o imenovanju direktora škola, ("Službene novine Zeničko-dobojskog kantona" broj: 14/04), ministar Ministarstva za obrazovanje, nauku, kulturu i sport donosi:

PRAVILNIK
o izmjenama i dopunama
Pravilnika
o imenovanju direktora škola

Član 1.

U Pravilniku o imenovanju direktora škola, ("Službene novine Zeničko-dobojskog kantona" broj: 14/04), u članu 2., iza teksta: "u nastavi", stavlja se: "tačka (.)", a ostatak teksta briše se.

Član 2.

U članu 5., stav 2., mijenja se i glasi: "Imenovanje će se obaviti u skladu sa Zakonom o osnovnoj i Zakonom o srednjoj školi, Zeničko-dobojskog kantona".

Član 3.

U članu 6., stav 2. iza teksta: "direktora", stavlja se: "zarež (,)", i dodaje novi tekst koji glasi: "na još jedan mandat".

Ostatak teksta, briše se.

Član 4.

U članu 10., stav 1., iza dijela teksta: "sposobnosti", dodaje se novi tekst koji glasi: "u školi u kojoj je bio zaposlen prije imenovanja za direktora".

Ostatak teksta briše se.

Stav 2. briše se.

Član 5.

U članu 11. u stavu 1. i 4.; "riječi šest (6) mjeseci" zamijeniti riječima "dva (2) mjeseca".

Član 6.

U članu 14., "Riječi Statutom škole" zamijeniti riječima "Pravilima škole".

Član 7.

Ovaj Pravilnik će stupiti na snagu danom donošenja i objavit će se u Službenim novinama Zeničko-dobojskog kantona.

Broj: 10-38-22133-5/04.
25.01.2005. godine
Zenica

MINISTAR
Sreto Tomašević, s.r.

49

Na osnovu člana 14. Zakona o kantonalnim ministarstvima i drugim tijelima uprave, ("Službene novine Zeničko-dobojskog kantona" broj: 15/04), a u vezi sa Pravilnikom o formiranju i radu školskih odbora, ("Službene novine Zeničko-dobojskog kantona" broj: 14/04), ministar Ministarstva za obrazovanje, nauku, kulturu i sport donosi:

PRAVILNIK
o izmjenama i dopunama
Pravilnika
o formiranju i radu školskih odbora

Član 1.

U Pravilniku o formiranju i radu školskih odbora, ("Službene novine Zeničko-dobojskog kantona" broj: 14/04), u članu 3., stav 1. mijenja se i glasi: "Školski odbor će imati pet (5) članova".

Stav 2. mijenja se i glasi: "Jedan član školskog odbora bira se iz reda nastavnika i stručnih saradnika, jedan iz reda roditelja odnosno staratelja učenika škole, jedan iz reda lokalne zajednice, a dva člana bira Vlada Kantona".

Stav 3. mijenja se i glasi: "Sastav školskog odbora mora odražavati nacionalnu strukturu učenika i roditelja školskog osoblja i lokalne zajednice, onako kako ona u datom trenutku izgleda u principu prema popisu stanovništva u BiH 1991. godine".

Član 2.

U članu 5., stav 3., briše se.

Član 3.

Član 6., mijenja se i glasi: "Predsjednika i članove školskog odbora imenuje i razrješava osnivač. Ukoliko je škola u državnoj svojini, prava i obaveze osnivača vrši Vlada Kantona".

Član 4.

U članu 7., u tački b), iza teksta: "Školskog odbora", stavlja se "tačka (.)", a ostatak teksta briše se.

Član 5.

Član 12., briše se, a članovi: 13., 14., 15., 16., 17. 18. i 19. postaju članovi: 12., 13., 14., 15., 16., 17. i 18.

Član 6.

Ovaj Pravilnik će stupiti na snagu danom donošenja i objavit će se u Službenim novinama Zeničko-dobojskog kantona.

Broj: 10-38-22133-4/04.
25.01.2005. godine
Zenica

MINISTAR
Sreto Tomašević, s.r.

50

Na osnovu člana 9. Odluke o odobravanju sredstava za privremene jednokratne novčane pomoći («Službene novine Zeničko-dobojskog kantona», broj 6/04) ministar Ministarstva za rad, socijalnu politiku i izbjeglice Zeničko-dobojskog kantona donosi

UPUTSTVO

za provođenje odluke o odobravanju sredstava
za privremene i jednokratne novčane pomoći

I. Opće odredbe

Ovim Uputstvom uređuje se način rada i postupanja JU Centara za socijalni rad, (u daljem tekstu: Centri); odnosno Općinskih službi nadležnih za poslove socijalne zaštite (u daljem tekstu: Službe) u provođenju Odluke o odobravanju sredstava za privremene i jednokratne novčane pomoći (u daljem tekstu: Odluka), i to: od zaprimanja zahtjeva za priznavanje prava na privremene odnosno jednokratne novčane pomoći, provođenja postupka pa do donošenja rješenja, vođenja evidencije o korisnicima ovog oblika socijalne zaštite, izvještavanju o isplati sredstava po ovom osnovu i druga pitanja vezano za ostvarivanje prava po osnovu Odluke.

II Postupak za priznavanje prava na privremene i jednokratne novčane pomoći

Upravni postupak za priznavanje prava na privremene i jednokratne novčane pomoći pokreću Centri odnosno Službe povodom podnesenog zahtjeva odnosno molbe stranke. Nadležnost prvostepenog organa određuje se prema mjestu prebivališta, odnosno boravišta osoba u stanju socijalne potrebe. Postupak priznavanja prava na privremene i jednokratne pomoći provodi se u skladu sa odredbama Zakona o upravnom postupku.

III Evidencija i izvještavanje o korisnicima na jednokratne i privremene novčane pomoći

a) Evidencija:

U primjeni Odluke Službe odnosno Centri vode evidenciju o korisnicima privremenih odnosno jednokratnih novčanih pomoći. Ove evidencije nužno moraju sadržavati minimum informacija o korisnicima privremenih i jednokratnih novčanih pomoći, a prije svega: ime i prezime korisnika pomoći, JMBG, broj rješenja, vrsta odobrene pomoći (privremena ili jednokratna), visina odobrene pomoći, datum isplate i adresa korisnika.

b) Izvještavanje:

Službe odnosno Centri izvještavaju Ministarstvo za rad, socijalnu politiku i izbjeglice Zeničko-dobojskog kantona o potrošnji doznačenih sredstava, odnosno izvršenim isplatama za privremene i jednokratne novčane pomoći. Ukoliko su, shodno Odluci, izvršene isplate sredstava u predhodnom mjesecu, u korist korisnika jednokratnih odnosno privremenih novčanih pomoći, o tome se izvrještaj podnosi, odnosno dostavlja Ministarstvu za rad, socijalnu politiku i izbjeglice do 05.-og u narednom mjesecu.

Izveštaj sadrži osnovne podatke od značaja za izvršenje isplata, i to: ime i prezime korisnika pomoći, vrsta pomoći (jednokratna ili privremena), visina odobrene pomoći i kratak opis razloga dodjele pomoći.

IV Ostala pitanja

Na osnovu člana 4. Odluke Ministarstvo će doznaku sredstava za privremene i jednokratne novčane pomoći vršiti vodeći računa o izvršenju prihodovne strane budžeta za svaki predhodni mjesec.

Ovo Uputstvo stupa na snagu danom donošenja, a primjenjivat će se za vrijeme trajanja isplate sredstava po osnovu predmetne Odluke.

Uputstvo će se objaviti u «Službenim novinama Zeničko-dobojskog kantona».

Broj: 09-14-781/05
14.01.2005. godine
Zenica

MINISTAR
Kasim Velić, s.r.

51

Na osnovu člana 35 Poslovnika o radu Skupštine Zeničko-dobojskog kantona-Prečišćen tekst ("Službene novine Zeničko-dobojskog kantona" broj:11/00) a u vezi sa članom 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03), i člana 30. Zakona o unutrašnjim poslovima Zeničko-dobojskog kantona-Prečišćen tekst ("Službene novine Zeničko-dobojskog kantona" broj:15/04), Komisija za izbor i imenovanja Skupštine Zeničko-dobojskog kantona, o b j a v l j u j e

OGLAS

za imenovanje jednog člana Nezavisnog odbora za izbor i reviziju iz reda građana

Zakonom o unutrašnjim poslovima Zeničko-dobojskog kantona ustanovljen je Nezavisni odbor za izbor i reviziju i utvrđen organ koji ga bira, (u daljem tekstu: Nezavisni odbor).

Nezavisni odbor sastoji se od sedam članova: dva predstavnika Ministarstva unutrašnjih poslova i pet članova iz reda građana.

Mandat Nezavisnog odbora je četiri godine. Članovi Nezavisnog odbora su izabrani 17.07. 2002. godine a mandat novoizabranog člana Nezavisnog odbora će trajati do isteka mandata postojećeg Nezavisnog odbora.

U procesu imenovanja i smjene policijskog komesara Nezavisni odbor:

1. raspisuje javni konkurs;
2. razmatra prispjele prijave;
3. vrši selekciju i odabir odgovarajućih kandidata;
4. predlaže kandidata za policijskog komesara ministru;
5. razmatra sve žalbe na rad policijskog komesara uključujući i žalbe građana;
6. razmatra prijedloge Skupštine, Vlade ili ministra o smjeni policijskog komesara;

7. predlaže smjenu policijskog komesara u slučaju ispunjenja sljedećih uvjeta:

- a) dokazanog krivičnog djela ili teškog disciplinskog prekršaja;
 - b) primjene člana 75. Zakona o unutrašnjim poslovima;
 - c) izdavanja od IPTF-a izvještaja o nepridržavanju dogovorenih pravila;
8. ocjenjuje cjelokupan rad policijskog komesara u slučaju ponovnog imenovanja za drugi mandat.

Način rada Nezavisnog odbora propisan je Poslovníkom o radu. Članovi Nezavisnog odbora imaju naknadu za rad u Nezavisnom odboru, utvrđenu Zaključkom Administrativne komisije Skupštine Zeničko-dobojskog kantona, o visini naknade članovima Nezavisnog odbora, od 27.01.2005. godine, u iznosu od 100,00 KM mjesečno i pravo na naknadu za troškove prevoza za svaki dolazak na zasjedanje Nezavisnog odbora u iznosu od 20% od cijene litra goriva po predenom kilometru.

Kandidati moraju ispunjavati sljedeće:

1. Opće uvjete:
 - da su stariji od 18 godina,
 - da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije objavljivanja upražnjene pozicije,
 - da se na njih ne odnosi član IX.1. Ustava Bosne i Hercegovine.
2. Posebne uvjete:
 - da imaju visoku stručnu spremu
 - da su ugledni stručnjaci iz oblasti pravnih i kriminalističkih nauka i ljudskih prava
 - da nisu članovi političke stranke
 - da nisu trenutno ili da nisu bili na bilo kojoj poziciji u političkoj stranci na bilo kojem nivou
 - da nisu postavljeni na bilo koju poziciju od strane političke stranke
 - da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH ("Službeni glasnik BiH", broj:16/02),
 - da ne postoji Izveštaj o nesaradnji izdat od strane Međunarodnih policijskih snaga
 - da nisu osuđivani za krivična djela i privredne presteupe i da se protiv njih ne vodi krivični postupak.

Po pozivu Komisije kandidati su dužni dostaviti podatke o ranijim rukovodiocima od kojih će Komisija tražiti informacije i preporuke o kandidatima.

Sa kandidatima koji budu stavljani na listu užeg izbora Komisija će obaviti intervju.

Prijave kandidata treba da sadrže kraću biografiju, adresu i kontakt telefon ili fax.

U svrhu dokazivanja općih i posebnih uvjeta kandidati su dužni uz prijavu podnijeti sljedeće dokaze:

- diplomu
- uvjerenje izdato od nadležnog suda da nisu osuđivani i da se protiv njih ne vodi krivični postupak
- ovjerenu izjavu za uvjete iz alineje 2. i 3. općih uvjeta i

alineje 3, 4, 5, 6. i 7. posebnih uvjeta.

Oglas ostaje otvoren 14 (četrnaest) dana od dana objavljivanja u Službenim novinama FBiH, Službenim novinama Zeničko-dobojskog kantona i dnevnom listu Dnevni avaz.

Prijave se dostavljaju lično ili preporučenom poštom sa naznakom "prijava na oglas - ne otvaraj" na adresu:

Zeničko-dobojski kanton - Skupština - Komisija za izbor i imenovanja, ulica Kučukovići broj 2, Zenica.

Neblagovremene i nepotpune prijave neće biti uzete u razmatranje.

OPCINSKI SUD ZENICA
Broj: P-719/04
Zenica, 12.01.2005.godine

Općinski sud u Zenici po sudiji Derling Veri, kao sudiji pojedincu, u pravnoj stvari tužilaca: 1. Jelić Joke, kći Milovana, 2. Jelić Vere, kći Mitra obje iz Zenice, Ul. Armije BiH br. 43, sada na adresi u USA, 321, Deerpath DR Schereville, IN 46375, koje zastupa punomoćnica Huseinagić Razija, advokat iz Zenice, Ul. Safvet bega Bašagića 3 A/I protiv tuženih 1. Mihajlović Danko, sin Živka iz Zenice, Ul. Armije BiH br. 52, sada nepoznatog boravišta i 2. Bektaš Hajrije, iz Zenice Ul. Armije BiH br. 43, radi utvrđenja ništavosti, v.s. 5.001,00 KM, van ročišta za glavnu raspravu, dana 12.01.2005. godine, izdaje

O G L A S
O POSTAVLJANJU PRIVREMENOG ZASTUPNIKA

Rješenjem ovog suda br. P-719/04 od 12.1.2005. godine, a na osnovu odredbe iz čl.296.st. 1 i st.2.tč.4. Zakona o parničnom postupku («Sl.novine FBiH», br.53/03) tuženom Mihajlović Danku, sada nepoznatog boravišta, postavljen je privremeni zastupnik u osobi Baškarad Ranki, advokatu iz Zenice u parnici radi utvrđenja prava svojine, koja se vodi pred ovim sudom pod br. P-719/04 po tužbi tužiteljica 1. Jelić Joke i 2. Jelić Vere, koje zastupa punomoćnica Huseinagić Razija, advokat iz Zenice.

Rješenjem je određeno, da će privremeni zastupnik zastupati tuženog u postupku, sve dok se tuženi ili njegov punomoćnik ne pojavi pred sudom, odnosno dok organ starateljstva ne obavijesti sud da je tuženom postavio posebnog staraoca.

Sudija
Derling Vera, s.r.

OPCINSKI SUD U ZENICI
Broj:R-29/04
Zenica, 14.02.2005. godine

O G L A S

Općinski sud u Zenici, sudija Nermina Imamović, u vanparničnoj stvari predlagača Škaro Željka iz Zenice, Ul. Omera Maslića br. 5, zastupan po Bratić Mladenki advokatu iz Zenice, protiv protupredlagateljice Škaro

rod.Džinić Borke, ranije nastanjene u Zenici, sada nepoznatog boravišta i prebivališta, radi određivanja nosioca stanaarskog prava, postavlja protupredlagateljici, kao licu nepoznatog boravišta u skladu sa odredbom čl. 296. stav 2. tačka 4. Zakona o parničnom postupku FBiH, privremenog zastupnika u ličnosti Terzić Marinka advokata iz Zenice, koji će protupredlagateljicu zastupati u postupku određivanja nosioca stanaarskog prava sve dok se ona ili njen punomoćnik ne pojave pred sudom, odnosno dok organ starateljstva ne obavijesti sud da joj je postavio staratelja.

Sudija
Nermina Imamović

OPŠTINSKI SUD ŽEPČE
Broj:P-84/03.
Žepče, 02.02.2005.godine

O G L A S

Opštinski sud u Žepču rješenjem broj P-84/03 od 02.02.2005. godine postavio je privremenog zastupnika drugotuženom Šimičić Nenadu zvani "Neno", sin Drage iz Zenice, posljednje prebivalište u Žepču, sada nepoznatog prebivališta, a koji nema punomoćnika u ovoj pravnoj stvari po tužbi tužilaca: 1. Jozinović Marije, udova Nike i 2. Jozinović Blaž, sin Nike, oboje iz Goliješnice b, opština Žepče, a oba tužioca zastupa punomoćnik Muhamedović Enis, advokat iz Maglaja, a koji postupak se vodi radi naknade štete v.s. 15.000,00 KM.

Privremeni zastupnik drugotuženom Šimičić Nenadu postavljen je u ličnosti advokata Vidović Ilije iz Žepča, a koji u ovom postupku ima sva prava i dužnosti zakonskog zastupnika i obavljat će ih sve dok se drugotuženi ili njegov punomoćnik ne pojavi pred sudom, odnosno dok Organ starateljstva ne obavijesti sud da je postavio staraoca.

Sudija
Vojka Prešić

Upis u sudski registar

Kantonalni sud Zenica rješenjem broj:U/1-287/03 od 28.02.2003. godine, upisani su u sudski registar ovog suda sljedeći podaci:

Upravni odbor Javne ustanove Specijalne srednje škole u Zenici; Odlukom broj:43-01-1/03 od 17.02.2003. godine razrješava vršioca dužnosti direktora Specijalne srednje škole u Zenici, Handukić Izeta, prof.defektolog zbog isteka mandata sa 19.02.2003. godine. Odluka o izboru direktora Specijalne srednje škole Zenica broj:7-01/03 od 14.01.2003. godine. Lice ovlašteno za zastupanje subjekta upisa u pravnom prometu u zemlji je Salkanović Nermin, Zenica, Adolfa Goldbergera br. 7, br. 1.k.1628/2000 PU Zenica, JMBG:1208965190027, direktor, bez ograničenja ovlaštenja u okviru djelatnosti JU i svojih ovlaštenja utvrđenih Zakonom i Pravilima.

Sudija
Ljevaković Ramo

SADRŽAJ

SKUPŠTINA

29. Zakon o izmjenama i dopunama Zakona o pravobranilaštvu,.....	37
30. Zakon o izmjenama i dopunama Zakona o lokalnoj samoupravi,.....	38
31. Zakon o samostalnim umjetnicima,.....	38
32. Odluka o izmjenama Odluke o kreditiranju privrednog razvoja i zapošljavanja,.....	40

VLADA

33. Uredba o izmjenama i dopunama Uredbe o Strucnoj službi Vlade Zeničko-dobojskog kantona,.....	40
34. Uredba o izmjenama i dopunama Uredbe o Sekretarijatu za zakonodavstvo Vlade Zeničko-dobojskog kantona,.....	41
35. Uredba o Službi za zajedničke poslove,.....	42
36. Odluka o odobravanju sredstava za dodjelu stipendija za redovne studente sa područja Zeničko-dobojskog kantona u akademskoj 2004/2005. godini,.....	43
37. Odluka broj: 02-18-1477/05,.....	44
38. Odluka broj: 02-18-2528/05,.....	44
39. Odluka o osnovici za isplatu plaća i naknada za topli obrok za period I-III 2005. godine,.....	44
40. Odluka o davanju saglasnosti na zaključivanje Ugovora o poslovima informatičke i funkcionalne podrške sistemu trezora za 2005. godinu,.....	45
41. Rješenje o konačnom imenovanju predsjednika i članova Upravnog odbora Kantonalnog zavoda zdravstvenog osiguranja Zenica,.....	45
42. Rješenje o konačnom imenovanju predsjednika i članova Upravnog odbora Kantonalne bolnice Zenica,.....	45
43. Rješenje o konačnom imenovanju predsjednika i članova Upravnog odbora Kantonalnog zavoda za medicinu rada Zenica,.....	46
44. Rješenje o konačnom imenovanju predsjednika i članova Upravnog odbora Kantonalnog zavoda za javno zdravstvo Zenica,.....	46

MINISTARSTVO ZA PRAVOSUĐE I UPRAVU

45. Rješenje o razrješenju predsjednika Komisije za polaganje stručnog ispita službenika i pripravnika organa uprave i službi za upravu u Zeničko-dobojskom kantonu,.....	46
46. Rješenje o imenovanju posebnog povjerenstva za polaganje ispita za stalne sudske tumače za grupu Turski jezik,.....	47

MINISTARSTVO ZA OBRAZOVANJE, NAUKU, KULTURU I SPORT

47. Pravilnik o sadržaju i načinu vođenja evidencije i dokumentacije u predškolskoj odgojno-obrazovnoj ustanovi,.....	47
48. Pravilnik o izmjenama i dopunama Pravilnika o imenovanju direktora škola,.....	48
49. Pravilnik o izmjenama i dopunama Pravilnika o formiranju i radu školskih odbora,.....	49

MINISTARSTVO ZA RAD, SOCIJALU POLITIKU I IZBJEGLICE

50. Uputstvo za provođenje Odluke o odobravanju sredstava za privremene i jednokratne novčane pomoći,.....	49
Oglas od Skupštine	
51. Oglas za imenovanje jednog člana Nezavisnog odbora za izbor i reviziju iz reda građana,.....	50

OGLASNI DIO

Izdavač: Zeničko-dobojski kanton, ul. Kučukovići br. 2, Zenica,
v.d. glavni i odgovorni urednik: Zeljka Marković - Sekulić. Telefon: (032) 415 286;
Redakcija i pretpalta (032) 407 424; Štampa: GIK "OKO" d.d. Sarajevo